



尊前集引

存一居士顧梧芳謨

嘗慨古樂之不復也將非華嚴不振僉趨夷習展轉
失真而無已耶何則循流溯源雖鈞天猶可想像迷
沿瞽襲卽咫尺玄白罔鑒爰自淳風日漓凡在含識
莫不眩文嗤朴今觀古樂府質壙悠蘊不拘平側率
多協韻歷攷填詞舉動按調音律益嚴是知古樂府
觸類于古詩而填詞抽緒于近體然近體造端梁陳
更唐天寶開元其格始純又况填詞之精工哉若玄

宗之好時光李太白之菩薩蠻張志和之漁父韋應
物之三臺音婉旨遠妙絕千古佗如王杜劉白卓然
名家下逮唐末群彥若干人聯其所製爲上下二卷
名曰尊前集梓傳同好先是唐有花間集及宋人艸
堂詩餘行而尊前集鮮有聞者久之不幸金元僭據
神州中區汙染北鄙風氣由是曲度盛而詞調微目
今南北樂部若絲若竹若肉疇脫夷習寧非諸華之
恥乎余以爲額定機軸畫一成章是以謂之填詞縱
乏古樂府自然渾厚往往婉麗相承比物連類諧暢

中節未改唐音尚有風人雅致非如曲家假飾亂真
千妍萬態不越倡優行逕蓋其失在于宣和已還方
厥初新翻小令猶爲警策漸繹中調旣已費辭柰何
殫曳蠶絲牽押長調遂俾覽聽未半孰不思睜固無
怪乎左詞右曲也余素愛花間集勝艸堂詩餘欲播
傳之曩歲客于吳興茅氏兼有附補而余斯編第有
類焉嗚呼曲詞誠小伎一升一降俗尚音形可以觀
時娛情燕會蘭熏虎變寔籍名世作者權輿爾已噫
是可易與不知者道哉

萬曆壬午春三月既望書于來鳳軒

尊前集引

尊前集目錄

卷上

明皇一首

昭宗二首

莊宗四首

李王五首

李白十二首

韋應物四首

王建十首

杜牧一首

劉禹錫三十八首

白居易二十四首

盧貞一首

張志和五首

司空圖一首

韓偓二首

薛能十八首

成文幹十首

馮延巳三首

温飛卿五首

皇甫松十首

韋莊五首

張泌一首

卷下

毛文錫一首

歐陽炯三十一首

和凝七首

孫光憲三十三首

魏承班六首

閻選二首

尹鶚十一首

李珣十八首

李王八首

馮延巳七首

庾傳素一首

劉侍讀一首

歐陽彬一首

許岷二首

林楚翹一首

徐昌圖三首

尊前集目錄

尊前集目錄

卷上

明皇 一首

好時光

昭宗 二首

巫山一段雲 二首

莊宗 四首

一葉落

陽臺夢

歌頭

憶仙姿

李王 五首

一斛珠

子夜

更漏子

山花子

虞美人影

李白 十二首

連理枝

清平樂 五首

菩薩蠻 三首

清平調 三首

韋應物 四首

調笑 二首

三臺 二首

王建 十首

宮中三臺 二首
江南三臺 四首
宮中調笑 四首

杜牧 一首

八六子

劉禹錫 三十八首

楊柳枝 十首

竹枝 十首

紇那曲 二首

憶江南

浪淘沙 九首

瀟湘神 二首

拋毬樂 二首

楊柳枝 二首

白居易 二十六首

楊柳枝 十首

竹枝 四首

浪淘沙 六首

憶江南 三首

宴桃源 三首

盧貞 一首

楊柳枝

張志和 五首

漁父 五首

司空圖 一首

酒泉子

韓偓 二首

浣溪沙 二首

薛能 十八首

楊柳枝 六首

成文幹 十首

楊柳枝 十首

馮延巳 三首

搗練子

謁金門

玉樓春

溫飛卿 五首

菩薩蠻 五首

皇甫松 十首

怨回紇 二首

竹枝 六首

拋毬樂 二首

韋莊 五首

怨王孫 一首

定西番 二首

清平樂 二首

張泌 一首

江城子

卷下

毛文錫 一首

巫山一段雲 一首

歐陽炯 三十一首

南歌子 一首

漁父 二首

巫山一段雲 二首

春光好 九首

西江月 二首

赤棗子 二首

女冠子 二首

玉樓春 二首

更漏子 二首

定風波 一首

木蘭花 一首

清平樂 一首

菩薩蠻 四首

和凝 七首

江城子 五首

喜遷鶯 一首

麥秀兩岐 一首

孫光憲 三十三首

浣溪沙 十首

定風波 一首

南歌子 二首

應天長 一首
生查子 四首
遐方怨 一首

更漏子 四首

魏承斑 六首

生查子 一首
滿宮花 一首
菩薩蠻 一首

謁金門 三首

閻選 二首

謁金門 一首
定風波 一首

尹鷲 十一首

江城子 一首
河滿子 一首
女冠子 一首

菩薩蠻 二首
撥掉子 二首
金浮圖 一首

秋夜月 一首
清平樂 二首

李珣 十八首

中興樂 一首
漁父 三首
南鄉子 七首

定風流 五首
西溪子 二首

李王 八首

望江南 二首
更漏子 一首
蝶戀花 一首

清平樂 一首
採桑子 一首
喜遷鶯 一首

山花子 一首
子夜啼 一首

馮延巳 七首

羅敷豔歌 二首
更漏子 二首
臨江仙 一首

虞美人 一首

庾傳素 一首

木蘭花

劉侍讀 一首

生查子

歐陽彬 一首

生查子

許岷 二首

木蘭花 二首

林楚翹 一首

菩薩蠻

薛昭蘊 一首

謁金門

徐昌圖 三首

木蘭花

臨江仙

河傳

尊前集目錄

終

尊前集卷上

明皇

一首

好時光

寶髻偏宜宮樣蓮臉嫩體紅香眉黛不須張敞畫天
教入鬢長 莫倚傾國貌嫁取箇有情郎彼此當年
少莫負好時光

昭宗

二首

巫山一段雲

上幸蜀宮人畱題寶鷄驛壁

縹緲雲間質盈盈波上身袖羅斜舉動埃塵明豔不



勝春 翠髻晚粧煙重寂寂陽臺一夢冰眸蓮臉見
長新巫峽更何人

蝶舞梨園雪鶯啼柳帶煙小池殘日豔陽天苧羅山
又山 青鳥不來愁絕忍看鴛鴦雙結春風一等少
年心閒情恨不禁

莊宗

四首

一葉落

一葉落寒朱箔此時景物正蕭索畫樓月影寒西風
吹羅幕吹羅幕往事思量着

陽臺夢

薄羅衫子金泥縫困織腰怯銖衣重笑迎移步小蘭
叢彈金翹玉鳳 嬌多情脉脉羞把同心撚弄楚天
雲雨却相和又入陽臺夢

歌頭

大石調

賞芳春暖風飄箔鶯啼綠對輕煙籠晚閣杏桃紅開
繁萼靈和殿禁柳千行斜金絲絡夏雲多奇峰如削
紈扇動微涼輕綃薄梅雨霽火雲爍臨水檻永日迳
繁暑泛醕酌 露華濃冷高梧彫萬葉一霎晚風蟬

聲新雨歇惜惜此光陰如流水東籬菊殘時嘆蕭索
繁陰積歲時莫景難畱不覺朱顏失却好容光且且
須呼賓友西園長宵讌雲謠歌皓齒且行樂

憶仙姿

卽如夢令之祖也

曾宴桃源深洞一曲清歌舞鳳長記欲別時和淚出
門相送如夢如夢殘月落花煙重

李王

五首

一斛珠

商調

曉粧初過沉檀輕注些兒箇向人微露丁香顆一曲

清歌暫引櫻桃破

羅袖裛殘殷色可盃深旋被香

醪浣綉床斜凭嬌無那爛嚼紅茸笑向檀郎唾

子夜

卽菩薩蠻

人生愁恨何能免消魂獨我情何限故國夢重歸覺
來雙淚垂高樓誰與上長記秋晴望往事已成空
還如一夢中

更漏子

大石調

金雀釵紅粉面花裏暫時相見知我意感君憐此情
須問天香作穗蠟成淚還是兩人心意山枕膩錦

衾寒夜來更漏殘

山花子

手捲真珠上玉鈎，依前春恨鎖重樓。風裏落花誰是主，思悠悠。青鳥不傳雲外信，丁香空結雨中愁。回首綠波三楚暮，接天流。

虞美人影

中呂調

春花秋葉何時了，往事知多少。小樓昨夜又東風，故國不堪回首月明中。雕欄玉砌依然在，只是朱顏改。不知都有幾多愁，恰是一江春水向東流。

李白

十二首

連理枝

黃鍾宮

雪蓋宮樓閉，羅幕昏金翠。鬪壓欄杆香，心淡薄，梅梢輕倚。噴寶狔香燼，麝煙濃馥。紅綃翠被，淺畫雲坐，帳點滴。昭陽淚，只尺宸居，君恩斷絕似遙。千里望水晶，簾外竹枝寒，守羊車未至。

清平樂

禁庭春晝，鶯羽披新綉。百艸巧求花，下鬪祗賭珠璣滿斗。日晚却理殘粧，御前閑舞霓裳。誰道腰肢窈

窈折旋笑得君王

禁闈清夜月探金牕罅玉帳鴛鴦噴蘭麝時落銀燈
香爇女伴莫話孤眠六宮羅綺三千一笑皆生百
媚宸衷教在誰邊

煙深水濶音信無由達惟有碧天雲外月偏照懸懸
離別盡日感事傷懷愁眉似鎖難開夜夜長畱半
被待君竟夢歸來

鸞衾鳳褥夜夜常孤宿更被銀臺紅蠟燭學妾淚珠
相續花貌些子時光拋人遠泛瀟湘欹枕悔聽寒

漏聲聲滴斷愁腸

畫堂晨起來報雪花墜高捲簾櫳看佳瑞皓色遠迷
庭砌盛氣光引爐煙素艸寒生玉佩應是天仙狂
醉亂把白雲揉碎

菩薩蠻

中宮呂

遊人盡道江南好遊人只合江南老未老莫還鄉還
鄉空斷腸繡屏金屈曲醉入花叢宿春水碧于天
畫船聽雨眠

平林漠漠煙如織寒山一帶傷心碧暝色入高樓有

人樓上愁 玉堦空佇立宿鳥歸飛急何處是回程
長亭接短亭

舉頭忽見衡陽鴈千聲萬字情何限耐薄情夫一
行書也無 泣歸香閣恨和淚淹紅粉待鴈却回時
也無書寄伊

清平調

雲想衣裳花想容春風拂檻露華濃若非羣玉山頭
見會向瑤臺月下逢

一枝紅豔露凝香雲雨巫山枉斷腸借問漢宮誰得

似可憐飛燕倚新粧

名花傾國兩相懽常得君王帶笑看解得春風無限
恨沉香亭北倚闌干

韋應物

四首

調笑

胡馬胡馬遠放燕支山下跑沙跑雪獨嘶東望西望
路迷迷路迷路邊艸無窮日暮

河漢河漢曉掛秋城漫漫愁人起望相思江南塞北
別離離別離別河漢雖同路絕

三臺

一年一年老去來日後日花開未報長安平定萬國
豈得啣盃

冰泮寒塘水綠雨餘百艸皆生朝來衡門無事晚下
高齋有情

王建 十首

宮中三臺

亦名翠華引

魚藻池邊射鴨芙蓉苑裏看花日色赭袍相似不着
紅鸞扇遮

池北池南艸綠殿前殿後花紅天子千秋萬歲未央
明月清風

江南三臺

揚州池邊少婦長干市裏商人三年不得消息各自
拜鬼求神

青艸臺邊艸色飛猿嶺上猿聲萬里三湘客到有風
有雨人行

對頭花落花開道上人去人來朝愁暮愁卽老百年
幾度三臺

鬪身強健且爲頭白齒落難追准擬百年千歲能得
幾許多時

宮中調笑

團扇團扇美人病來遮面玉顏憔悴三年誰復商量
管絃管絃管絃管春艸昭陽路斷

胡蝶胡蝶飛上金枝玉葉君前對舞春風百葉桃花
對紅紅對紅對燕語鶯啼日暮

羅袖羅袖暗舞春風已舊遙看歌舞玉樓好日新粧
坐愁愁坐愁坐一世虛生虛過

楊柳楊柳日暮向沙渡口船頭江水茫茫商人少婦
斷腸腸斷腸斷鷓鴣夜飛失伴

杜牧一首

八六子

洞房深畫屏燈照山色凝翠沉沉聽夜雨冷滴芭蕉
驚斷紅牕好夢龍煙細飄綉衾辭恩久歸長信鳳帳
蕭疎椒殿閑扃 輦路苔侵綉簾垂遲遲漏傳丹禁
薜華偷悴翠鬟羞整愁坐望處金輿漸遠何時綵仗
重臨正銷魂梧桐又移翠陰

劉禹錫

三十八首

楊柳枝

塞北梅花羌笛吹
淮南桂樹小山詞
請君莫奏前朝曲
聽唱新翻楊柳枝

南陌東城春艸時
相逢何處不依依
桃紅李白皆誇好
須得垂楊相發揮

鳳闕輕遮翡翠幃
龍墀遙望麴塵絲
御溝春水相輝映
狂殺長安年少兒

金谷園中鶯亂飛
銅駝陌上好風吹
城東桃李須臾

盡爭似垂楊無限時

花萼樓前初種時
美人樓上鬪腰肢
如今拋擲長街裏
露葉如啼欲恨誰

煬帝行宮汴水濱
數株殘柳不勝春
晚來風起花如雪
飛入宮牆不見人

御陌青門拂地垂
千條金縷萬條絲
如今綰作同心結
將贈行人知不知

城外春風吹酒旗
行人揮袂日西時
長安陌上無窮樹
唯有垂楊管別離

尊前集上
九
輕盈嫋娜占年華舞榭粧樓處處遮春盡絮飛畱不
得隨風好去落人家

楊子江頭煙景迷隋家宮對拂金堤嗟我猶有當時
色半蘸波中水鳥棲

竹枝

白帝城頭春艸生白鹽山下蜀江清南人上來歌一
曲北人莫上動鄉情

山桃紅花滿上頭蜀江春水拍山流花紅易衰似郎
意水流無限似儂愁

溪上春來新雨晴灤西春水縠紋生橋東橋西好楊
柳人來人去唱歌行

日出三竿春霧消江頭蜀客駐蘭橈憑寄狂夫書一
紙住在城都萬里橋

兩岸山花似雪開家家春酒滿銀杯昭君坊中多女
伴永安宮外踏青來

瞿塘嘈嘈十二灘此中道路古來難長恨人心不如
水等閑平地起波瀾

巫峽蒼蒼煙雨時清猿啼在最高枝箇裏愁人腸自
斷由來不是此聲悲

城西門前灩澦堆年年波浪不能摧懊惱人心不如石少時東去復西來

楊柳青青江水平聞郎江上唱歌聲東邊日出西邊雨道是無晴還有晴

楚水巴山江雨多巴人能唱本鄉歌今朝北客思歸去回入紇那披綠羅

紇那曲 二首

楊柳鬱青青竹枝無限情同郎一回顧聽唱一作紇那聲

踏曲興無窮調同辭不同願郎千萬壽長作主人翁

憶江南

春去也多謝洛城人弱柳從風疑舉袂叢蘭裊露似沾巾獨坐亦含嚔

浪淘沙

九曲黃河萬里沙浪淘風簸自天涯如今直上銀河去同到牽牛織女家

洛水橋邊春日斜碧流輕淺見瓊沙無端陌上狂風急驚起鴛鴦出浪花

汴水東流虎眼紋清淮曉色鴨頭春君看渡口淘沙

處渡却人間多少人

鸚鵡洲頭浪颭沙青樓春望日將斜卸泥燕子爭歸
舍獨自狂夫不憶家

濯錦江邊兩岸花春風吹浪正淘沙女郎剪下鴛鴦
錦將向中流定晚霞

日照澄洲江霧開淘金女伴滿江隈美人首飾侯王
印盡是沙中浪底來

八月濤聲吼地來頭高數丈觸山回須臾却入海門
去捲起沙堆似雪堆

莫道讒言如浪深莫言遷客似沙沉千淘萬漉雖辛
苦吹盡寒沙始到金

流水淘沙不暫停前波未滅後波生令人忽憶瀟湘
渚回唱迎神三兩聲

瀟湘神

湘水流湘水流九疑雲物至今秋若問二妃何處所
零陵芳艸露中愁

班竹枝班竹枝淚痕點點寄相思楚客欲聽瑤瑟怨
瀟湘深夜月明時

拋毬樂

五色繡團圓登君玳瑁筵最宜紅燭下偏稱落花前
上客如先起應須贈一船
春蚤見花枝朝朝恨發遲及看花落後却憶未開時
幸有拋毬樂一盃君莫違

楊柳枝

迎得春光先到來淺黃輕綠映樓臺只緣嫋娜多情
思便被春風長請接

巫峽巫山楊柳多朝雲暮雨遠相和因想陽臺無限

事爲君回唱竹枝歌

白居易 二十六首

楊柳枝

六么水調家家唱白雪梅花處處吹古歌舊曲君休
聽聽取新翻楊柳枝

陶令門前四五樹亞夫營裏百千條何似東都正二
月黃金枝映洛陽橋

依依嫋嫋復青青勾引春風無限情白雪花繁空撲
地綠絲條弱不勝鶯

紅版江橋青酒旗館娃宮煖日斜時
可憐雨歇東風定萬對千條各自坐

蘇州楊柳任君誇更有錢塘勝館娃
若解多情尋小綠楊深處是蘇家

蘇家小女舊知名楊柳風前別有情
剝條盤作銀環樣卷葉吹爲玉笛聲

葉含濃露如啼眼枝嫋輕風似舞腰
小對不禁攀折苦乞君畱取兩三條

人言柳葉似愁眉更有愁腸似柳絲
柳絲挽斷腸牽

斷彼此應無續得時

一對春風萬萬枝嫩于金色軟于絲
永豐南角荒園裏盡日無人屬阿誰

一對衰殘委泥土雙林榮曜植天庭
定知此後天文裏柳宿光中添兩星

竹枝

瞿塘峽口水煙低白帝城頭月向西
唱得竹枝聲咽處寒猿闇鳥一時啼

竹枝苦怨怨何人夜靜山空歇又聞
蠻兒巴女聲聲

唱怨殺江南病使君

巴東船舫上巴西波面風生雨脚齊水冷蓼花紅簇
簇江蘼碧葉濕淒淒

江畔誰人唱竹枝前聲斷咽後聲遲怪來調苦緣詞
苦多是通州司馬詩

浪淘沙

一泊沙來一泊去一重浪滅一重生相攪相淘無歇
日會教山海一時平

白浪茫茫與海連平沙浩浩四無邊莫去朝來淘不

住遂令東海變桑田

青艸湖中萬里程黃梅雨裏一人行愁見灘頭夜泊
處風翻暗浪打船聲

借問江潮與海水何似君情與妾心相恨不如潮有
信相思始覺海非深

海底飛塵終有日山頭化石豈無時誰道小郎拋小
婦船頭一去沒回期

隨波逐浪到天涯遷客西還有幾家却到帝都重富
貴請君莫忘浪淘沙

憶江南

一名謝秋娘

江南好風景舊曾諳日出江花紅勝火春來江水綠
如藍能不憶江南

江南憶最憶是杭州山寺月中尋桂子郡亭枕上看
潮頭何日更重遊

江南憶其次憶吳宮吳酒一杯春竹葉吳娃雙舞醉
芙蓉蚤晚復相逢

宴桃源

前渡小花靜院不比尋常時見見了又還休愁却等

閑分散腸斷腸斷記取釵橫髻亂

落月西牕驚起好箇忽忽些子鬢髻彈輕鬆凝了一
雙秋水告你告你休向人間整理

頻日雅懽幽會打得來來越睩說着暫分飛感損一
雙眉黛無柰無柰兩箇心兒總待

盧貞 一首

楊柳枝

一樹依依在永豐兩枝飛去杳無踪玉皇曾採人間
曲應逐歌聲入九重

張志和 五首

漁父

西塞山邊白鷺飛
桃花流水鱖魚肥
青箬笠綠蓑衣
斜風細雨不須歸

釣臺漁父褐爲裘
兩兩三三舴艋舟
能縱棹慣乘流
長江白浪不曾憂

雲溪灣裏釣漁翁
舴艋爲家西復東
江上雪浦邊風
笑着荷衣不嘆窮

松江蟹舍主人懽
菰飴蓴羹亦共食
楓葉落荻花乾

醉宿漁舟不覺寒

青艸湖中月正圓
巴陵漁父棹歌連
釣車子擲頭船
樂在風波不覺寒

司空圖 一首

酒泉子

買得杏花十載歸來方始拆
假山西伴藥欄東滿枝
紅 旋開旋落旋成空
白髮多情人便惜
黃昏把酒
祝東風且從容

韓偓 二首

浣溪沙

櫛鬢新收玉步搖，背燈初解繡裙腰。枕寒衾冷異香焦。
深院不關春寂寂，落花和雨夜迢迢。恨情殘醉却無聊。

宿醉離愁慢髻鬟，六銖衣薄惹輕寒。慵紅悶翠掩青鸞。
羅襪況兼金菡萏，雪肌仍是玉琅玕。骨香腰細更沉檀。

薛能

十八首

楊柳枝

華清高對出深宮，南陌柔條帶暖風。誰見輕陰是良夜，瀑泉聲伴月明中。

洛陽晴景覆江船，羌笛秋聲濕塞煙。閑想習池公宴罷，水蒲風絮夕陽天。

嫩綠輕懸似綴旒，路人遙見隔宮樓。誰能更近丹墀種，解播皇風入九州。

暖風晴日斷浮埃，廢路新條發釣臺。處處輕輕可惆悵，後人攀折古人栽。

潭上江邊嫋嫋垂，日高風靜絮相隨。青樓一對無人

見正是女郎眠覺時

汴水高懸百萬條風清兩岸一時搖隋家力盡虛栽
得無限春風屬聖朝

和花煙對九重城夾路春陰十萬營唯向邊頭不堪
望一株顛顛少人行

牕外齊坐曉日初樓邊輕好暖風徐遊人莫道栽無
益桃李清陰却不如

衆木猶寒獨蚤青御溝橋畔曲江亭陶家舊日應如
此一院春條綠透廳

帳偃纓坐細復繁人心想在石家園風條月影皆堪

重何事侯門愛對萱

一作令人心想石家園

數首新詞帶恨成柳絲牽我我傷情柔娥幸有腰肢
穩試踏吹聲作唱聲

高出軍營遠映橋賊兵曾斫火曾燒風流性在終難
改依舊春來萬萬條

縣依陶令想嫌迂營伴將軍却太麤此日與君除萬
恨數篇風調更應無

朝陽晴照綠楊煙一別通波十七年應有舊枝無處

覓萬條風裏卓旌旄

晴坐芳態吐牙新雨擺輕條濕面春別有出墻高數尺不知搖動是何人

暖梳簪朶事登樓困掛坐楊立地愁牽斷綠絲攀不及半空懸著玉搔頭

西園高對後庭根處處尋芳有折痕終憶舊時桃葉合一株斜映竹籬門

劉白蘇臺總近時當時章句是誰推纖腰舞盡春楊柳未有儂家一首詩

成文幹 十首

楊柳枝

欲趁寒梅趁得麼雪中偷眼望陽和陽和若不先畱意這箇柔條爭柰何

輕籠小逕近誰家玉馬追風翠影斜愛把長條惱公子惹他頭上海棠花

鸞黃剪出小花鈿綴上芳枝色轉鮮飲散無人收拾得月明階下伴秋千

東君愛惜與先春艸澤無人處也新委囑露華并細

雨莫教遲日苦風塵

勾踐初迎西子年琉璃爲帚掃溪煙至今不改當時
色畱與王孫繫酒船

綠楊移傍小亭栽便擁濃煙撥不開誰把金刀爲剛
掠放教明月入牕來

遠接關河高接雲雨餘洗出半天春牡丹不用相輕
薄自有清陰覆得人

掩映鶯花媚有餘風流才調比應無朝朝奉御龍池
上不羨青松拜大夫

王孫宴罷曲江池折得春光伴酒歸恠得美人爭鬪
乞要他穠翠染羅衣

殘照林梢裊數枝能招醉客上金堤馬嬌如練纓如
火瑟瑟陰中步步嘶

馮延巳 三首

搗練子

深院靜小庭空斷續寒砧斷續風蚤是夜長人不寢
數聲和月到簾櫳

謁金門

風乍起吹皺一池春水閑引鴛鴦花逕裏手按紅杏
藥 鬪鴨欄杆獨倚碧玉瓏璁斜墜終日望君君不
至舉頭聞鵲喜

玉樓春

雪雲乍變春雲簇漸覺年華堪縱目北枝梅蕊犯寒
開南浦波紋如酒綠 芳菲次第長相續自是情多
無處足罇前百計得春歸莫爲傷春眉黛蹙

溫飛卿

五首

菩薩蠻

玉纖彈處真珠落流多暗濕鉛華薄春露浥朝花秋
波浸晚霞 風流心上物本爲風流出看取薄情人
羅衣無此痕

一作表國傳

南園滿地堆輕絮愁聞一霎清明雨雨後却斜陽杏
花零落香 無言彈睡臉枕上屏山掩時節欲黃昏
無慘獨倚門

夜來皓月才當午重簾悄悄無人語深處麝煙長臥
時畱薄粧 當年還自惜往事那堪憶花露月明殘
錦衾知曉寒

雨晴夜合玲瓏月萬枝香嫋紅絲拂閒夢憶金堂滿
庭萱艸長 繡簾垂景歛眉黛遠山綠春水渡溪橋
凭欄竟欲消
竹風輕動庭除冷珠簾月上玲瓏影山枕隱穠粧綠
檀金鳳皇 兩娥愁黛淺故國吳宮遠春恨正關情
畫樓殘點聲

皇甫松 十首

怨回紇

白首南朝女愁聽異域歌收兵頡利國飲馬胡盧河

毳布腥膻久穹廬歲月多雕窠城上宿吹笛淚滂

沱

祖席駐征棹開帆候信潮隔筵桃葉泣吹管杏花飄
船去鷗飛閣人歸塵上橋別離惆悵淚江路濕紅

蕉

竹枝

檳榔花發竹枝鷓鴣啼女兒雄飛煙瘴竹枝雌亦飛女兒
木棉花盡竹枝荔枝垂女兒千花萬花竹枝待郎歸女兒
芙蓉並蒂竹枝一心連女兒花侵榻子竹枝眼應穿女兒

筵中蠟燭

竹枝

淚珠紅

兒女

合懽桃核

竹枝

兩人同

兒女

斜江風起

竹枝

動橫波

兒女

劈開蓮子

竹枝

苦心多

兒女

山頭桃花

竹枝

谷底杏

兒女

兩花窈窕

竹枝

遙相映

兒女

拋毬樂

紅撥一聲飄輕裘墜越綃帶翻金孔雀香滿綉蜂腰
少少拋分數花枝正索饒

金蹙花毬小真珠繡帶垂幾迴衝蠟燭千度入香懷
上客終須醉觥盃且亂排

韋莊

五首

怨王孫

錦里蠶市滿街珠翠千萬紅粧玉蟬金雀寶髻花簇
鳴璫綉衣長日斜歸去人難見青樓遠隊隊行雲
散不知今夜何處深鎖蘭房隔仙鄉

定西番

挑盡金燈紅燼人灼灼漏遲遲未眠時斜倚銀屏無
語閑愁上翠眉悶殺梧桐殘雨滴相思
芳艸叢生縷結花豔豔雨濛濛曉庭中塞遠久無音
問愁消鏡裏紅紫燕黃鸝猶生恨何窮

清平樂

瑣牕春暮滿地梨花雨君不歸來情又去紅淚散沾
金縷 夢魂飛斷煙波傷心不奈春何空把金針獨
坐鴛鴦愁綉雙窠

綠楊春雨金線飄千縷花拆香枝黃鸝語玉勒雕鞍
何處 碧牕望斷燕鴻翠簾睡眼溟濛寶瑟誰家彈
罷含悲斜倚屏風

張泌

一首

江城子

窄羅衫子薄羅裙小腰身晚粧新每到花時長是不
宜春蚤是自家無氣力更被伊惡憐人

尊前集卷上

尊前集卷上



尊前集卷下

尊前集卷下

毛文錫 一首

巫山一段雲

貌掩巫山色才過濯錦波阿誰提筆上銀河月裏寫
嫦娥 薄薄施鉛粉盈盈掛綺羅菖蒲花役夢寬多
年代屬元和

歐陽炯 三十一首

南歌子

錦帳銀燈影紗窗玉漏敲迢迢永夜夢難成愁對小

庭秋色月空明

漁父

擺脫塵機上釣船免教榮辱有流年無繫絆沒愁煎
須信船中有散仙

風浩寒溪照膽明小君山上玉蟾生荷露墜翠煙輕
撥刺遊魚幾箇驚

巫山一段雲

絳闕登真子飄飄御綵鸞碧虛風雨珮光寒斂袂下
雲端月帳朝霞薄星冠玉蕊攢遠遊蓬島降人間

特地拜龍顏

春去秋來也愁心似醉醺去時邀約蚤回輪及去又
何曾歌扇花光黠衣珠滴淚新恨身翻不作車塵
萬里得隨君

春光好

天初煖日初長好春光萬彙此時皆得意競芬芳
筍迸苔錢嫩綠花隈雪塢濃香誰把金絲裁剪却掛
斜陽

花滴露柳搖煙豔陽天雨霽山櫻紅欲爛谷鶯遷

尊前集下
飲處交飛玉笋遊時倒把金鞭風颭九衢榆葉動簇
青錢

胸鋪雪臉分蓮理繁絃纖指飛翻金鳳語轉嬋娟
嘈噴如敲玉佩清泠似滴香泉曲罷問郎名箇甚想
夫憐

積香散渚冰融暖空濛飛絮悠揚遍虛空惹輕風
柳眼煙來點綠花心日與粧紅黃雀錦鸞相對舞近
簾櫳

鷄對綠鳳池清滿神京玉兔宮前金榜出列仙名

疊雪羅袍接武團花駿馬嬌行開宴錦江遊爛熳柳
煙輕

芳叢繡綠筵張兩心狂空遣橫波傳意緒對笙簧
雖似安仁擲果未聞韓壽分香流水桃花情不已待
劉郎

垂繡幔掩雲屏息盈盈雙枕珊瑚無限情翠釵橫
幾見纖纖動處時聞款款嬌嚴却出錦屏妝面了理
秦箏

金轡響玉鞭長映坐楊堤上採花筵上醉滿衣香

無處不攜絃管直應占斷春光年少王孫何處好競
尋芳

蘋葉嫩杏花明畫船輕雙浴鴛鴦出綠汀棹歌聲
春水無風無浪春來半雨半晴紅粉相隨南浦晚莫
辭行

西江月

月映長江秋水分明冷浸星河淺沙汀上白雲多雪
散幾叢蘆葦扁舟倒影寒潭煙光遠罩輕波笛聲
何處響漁歌兩岸蘋香暗起

水上鴛鴦比翼巧將綉作羅衣鏡中重畫遠山眉春
睡起來無力細雀穩簪雲髻含羞時想佳期臉邊
紅豔對花枝猶占鳳樓春色

赤棗子

夜悄悄燭熒熒金鑪香盡酒初醒春睡起來回雪面
含羞不語倚雲幃

蓮臉薄柳眉長等閑無事莫思量每一見時明月夜
損人情思斷人腸

女冠子

薄粧桃臉滿面縱橫花靨豔情多綬帶盤金縷輕裙
透碧羅 含羞眉作歛微語笑相和不會頻偷眼意
如何

秋宵秋月一朶荷花初發照前池搖曳薰香夜嬋娟
對鏡時 蕊中千點淚心裏萬條絲恰似輕盈女好
風姿

玉樓春

日照玉樓花似錦樓上醉和春色寢綠楊風送小鶯
聲殘夢不成離玉枕 堪愛晚來韶景甚寶柱秦箏

方再品青蛾紅臉笑來迎又向海棠花下飲

春蚤玉樓煙雨夜簾外櫻桃花半謝錦屏香冷綉衾
寒怱悵憶君無計捨 侵曉鵲聲來砌下鸞鏡殘粧
紅粉罷黛眉雙點不能描畱待玉郎歸日畫

更漏子

玉闌千金顰井月照碧梧桐影獨自箇立多時露華
濃溼衣 一向凝情望待得不成模樣雖耐耐又尋
思怎生嗔得伊

三十六宮秋夜永露華點滴高梧丁丁玉漏咽銅壺

明月上金鋪 紅線毯博山爐香風暗觸流酥羊車
一去長青蕪鏡塵鸞綵孤

定風波

暖日閑牕映碧紗小池春水浸晴霞數對海棠紅欲
盡爭忍玉閨深掩過年華 獨凭綉床方寸亂腸斷
淚珠穿破臉邊花隣舍女郎相借問音信教人羞道
未還家

木蘭花

兒家夫婿心容易身又不來書不寄閑庭獨坐鳥關

關爭忍拋奴溪院裏 悶向綠紗窗下睡睡又不成
愁已至今年却憶去年春同在水蘭花下醉

清平樂

春來街砌春雨如絲細春地滿飄紅杏蒂春燕舞隨
風勢 春幡細縷春繒春閨一點春燈自是春心撩
亂非干春夢無憑

菩薩蠻

曉來中酒和春睡四支無力雲鬟墜斜臥臉波春玉
郎休惱人 日高猶未起爲戀鴛鴦被鸚鵡語金籠

道兒還是慵

紅爐煖閣佳人睡隔簾飛雪添寒氣小院奏笙歌香
風簇綺羅酒傾金盞滿蘭燭重開宴公子醉如泥
天街聞馬嘶

翠眉雙臉新粧薄幽閨斜捲青羅幙寒食百花時紅
繁香滿枝雙雙梁燕語蝶舞相隨去腸斷正思君
閉眠冷繡茵

畫屏綉閣三秋雨香唇膩臉隄人語語罷欲天明嬌
多夢不成曉街鐘鼓絕嗔道如今別特地氣長吁

倚屏彈淚珠

和凝
七首

江城子

初夜含嬌入洞房理殘粧柳眉長翡翠屏中親焚玉
爐香整頓金鈿呼小玉排紅燭待潘郎

竹裏風生月上門理秦箏對雲屏輕撥朱絃恐亂馬
嘶聲含恨含嬌獨自語今夜約太遲生

斗轉星移玉漏頻已三更對棲鶯歷歷花間似有馬
蹄聲含笑整衣開綉戶斜斂手下階迎

迎得郎來入綉闌語相思連理枝髻亂釵墜梳墮印
山眉姪姹含情嬌不語纖玉手撫郎衣

帳裏鴛鴦交頸情恨鷄聲天已明愁見街前還是說
歸程臨上馬時期後會待梅綻月初生

喜遷鶯

曉月墜宿煙披銀燭錦屏欹建章欲曉玉繩低宮漏
出花遲 春態淺來雙燕紅日漸長一線嚴妝鐘罷
轉黃鸝飛上萬年枝

麥秀兩岐

涼簟鋪斑竹鴛枕竝紅玉臉邊紅眉柳綠胷雪宜新
浴淡黃衫子裁春縠異香芬馥 羞道交回燭未慣
雙雙宿對連枝魚比目掌上腰如束嬌嬈不爭人拳
跼黛眉微蹙

孫光憲 三十三首

浣溪沙

風撼芳菲滿院香四簾慵卷日初長髻雲坐枕嚮微
鏗 春夢未成愁寂寂佳期難會信茫茫萬般心千
點淚泣蘭堂

真前集下
九
碧玉衣裳白玉人翠眉紅臉小腰身瑞雲飛雨逐行
雲除却弄珠兼解佩便隨西子與東鄰是誰容易
比真真

何事相逢不展眉苦將情分惡猜疑眼前行止想應
知半恨半嗔回面處和嬌和淚泥人時萬般饒得
爲伶伊

落絮飛花滿帝城看看春盡又傷情歲華頻度想堪
驚風月豈惟今日恨煙霄終待此身榮未甘虛老
負平生

靜想離愁暗淚零欲棲雲雨計難成少年多是薄情
人萬種保持圖永遠一般模樣負神明到頭何處
問平生

試問於誰分最多便隨人意轉橫波縷金衣上小雙
鸞醉後愛稱嬌姐姐夜來畱得好哥哥不知情事
久長麼

葉墜空階折早秋細煙輕霧鎖粧樓寸心雙淚慘嬌
羞風月但牽覓夢苦歲華偏感別離愁恨和相憶
兩難酬

月淡風和畫閣深露桃煙柳影相侵斂眉凝緒夜沉沉
長有夢魂迷別浦豈無春病入離心少年何處
戀虛襟

自入春來月夜稀今宵蟾彩倍凝暉強開襟抱出簾
帷 嚙指暗思花下約凭欄羞覩淚痕衣薄情狂蕩
幾時歸

十五年來錦岸遊未曾行處不風流好花長與萬金
酬 滿眼利名渾信運一生狂蕩恐難休且陪煙月
醉紅樓

定風波

簾拂疎香斷碧絲淚衫還滴繡黃鸝上國獻書人不
在凝黛晚庭又是落紅時 春日自長心自促翻覆
年來年去負前期應是秦雲兼楚雨畱住向花枝誇
說月中枝

南歌子

豔冶青樓女風流似楚真驪珠美玉未爲珍窈窕一
枝芳柳入腰身 舞袖頻回雪歌聲幾動塵慢凝秋
水顧情人祇緣傾國着處覺生春

映月論心處，隈花見面時。倚郎和袖撫香肌，遙指畫堂深院許相期。解佩君非晚，虛襟我未遲。願如連理合歡枝，不似五陵狂蕩薄情兒。

應天長

翠凝仙豔非凡有，窈窕年華方十九。鬢如雲腰似柳，妙對綺絃歌釀酒。醉瑤臺，攜玉手，共燕此宵相偶。翳斷晚窗分首淚，沾金縷袖。

生查子

春病與春愁，何事年年有。半爲枕前人，半爲花間酒。

醉金尊，攜玉手，共作鴛鴦偶。倒載臥雲屏，雪面腰如柳。

爲惜美人嬌，長有如花笑。半醉倚紅粧，轉語傳青鳥。眷方深，恰恰好，唯恐相逢少。似這一般情，肯信春光老。

清曉牡丹芳，紅豔凝金蕊。乍占錦江春，永認笙歌地。感人心，爲物瑞。爛熳煙花裏。戴上玉釵時，迥與凡花異。

密雨阻佳期，盡日顛然坐。簾外正淋漓，不覺愁如鎖。

夢難裁心欲破淚逐簷敲墮想得玉人情也合思量我

遐方怨

紅綬帶錦香囊爲表花前意慙慙贈玉郎此時更役心腸轉添秋夜夢魂狂思豔質想嬌粧願蚤傳金盞同歡臥醉鄉任人猜妬惡猜防到頭須使似鴛鴦

更漏子

燭熒煌香旖旎閑放一堆鴛被慵就寢獨無慘相思魂欲銷不會得這心力判了依前還憶空自怨奈

伊何別來情更多

掌中珠心上氣愛惜豈將容易花下月枕前人此生誰更親交頸語合歡身便同比目金鱗連續枕臥紅茵霜天似煖春

對秋深離恨苦數夜滿庭風雨凝想坐斂愁眉孤心似有違紅窗靜畫簾垂魂消地角天涯和淚聽斷腸窺漏移燈暗時

求君心風韻別渾似一團煙月歌皓齒舞紅籌花時醉上樓能婉媚解嬌羞王孫忍不攀畱惟我恨未

綢繆相思竟夢愁

魏承斑 六首

生查子

離別又經年獨對芳菲景嫁得薄情夫長抱相思病
花紅柳綠間晴空蝶弄雙雙影羞看綉羅衣爲有
金鸞竝

滿宮花

寒夜長更漏永愁見透簾月影王孫何處不歸來應
在倡樓酌酌 金鴨無香羅帳冷羞更雙鸞交頸夢

中幾度見兒夫不忍罵伊薄倖

菩薩蠻

玉容光照菱花影沉沉臉上秋波冷白雪一殷新雕
梁起暗塵 寶釵搖翡翠香惹芙蓉醉攜手入鴛衾
誰人知此心

謁金門

煙水濶人值清明時節雨細花零鸚語切愁腸千萬
結 鴈去音徽斷絕有恨欲憑誰說無事傷心猶不
徹春時容易別

春欲半堆砌落花千片早是潘郎長不見忍聽雙語
燕飛絮晴空颺遠風送誰家絃筦愁倚畫屏凡事
懶淚沾金縷線
長思憶思憶佳人輕擲霜月透簾澄夜色小屏山凝
碧恨恨君何太極記得嬌嬈無力獨坐思量愁似
織斷腸煙水隔

閨選 二首

謁金門

美人浴碧沼蓮開芬馥雙髻縮雲顏似玉素娥輝淡

綠雅態芳姿閑淑雪映鈿裝金斛水濺青絲珠斷
續酥融香透肉

定風波

江水沉沉帆影過遊魚到晚透寒波渡口雙雙飛白
鳥煙裏蘆花深處隱漁歌扁舟短棹歸蘭浦人去
蕭蕭竹徑透青莎深夜無風新雨歇涼月露迎珠顆
入圓荷

尹鶚 十一首

江城子

裙拖碧步飄香織腰束素長髻雲光拂面瓏璁膩玉
碎凝粧寶柱秦箏彈向晚絃促鴈更思量

河滿子

雲雨常陪勝會笙歌慣逐閑遊錦里風光應占玉鞭
金勒驂驢戴月潛穿溪曲和香醉脫輕裘 方喜正
同鴛帳又言將往皇州每憶良宵公子伴夢寬長掛
紅樓欲表傷離情味丁香結在心頭

女冠子

雙成侶伴去去不知何處有佳期霞帔金絲薄花冠

玉葉危 懶乘丹鳳子學跨小龍兒
肘奈天風緊挫腰肢

菩薩蠻

嗚嗚曉角調如語畫樓三會喧雷鼓枕上夢方殘月
光鋪水寒 蛾眉應斂翠只尺同千里宿酒未全消
滿懷離恨饒

錦裯閑襯丁香枕銀缸燼落猶慵寢
顚坐遍紅爐誰知情緒孤
少年狂蕩慣花曲長牽絆去便不歸來
空教駿馬迴

撥棹子

丹臉膩雙靨媚冠子縷金裝翡翠將一朶瓊花堪比
窠窠繡鸞鳳衣裳香窄地 銀臺蠟燭滴紅淚醪酒
勸人教半醉簾幙外月華如水特地向寶帳顛狂不
肯墜

風切切深秋月十朶芙蓉繁豔歇小檻細腰無力空
羸得目斷魂飛何處說 寸心恰似丁香結看瘦盡
眉前雪偏掛恨少年拋擲羞覩見繡被堆紅閑不徹
金浮圖

繁華地王孫富貴玳瑁筵開下朝無事壓紅裯鳳舞
黃金翅玉立纖腰一片揭天歌吹滿目綺羅珠翠和
風淡蕩偷散沉檀氣 堪判醉韶光正媚折盡牡丹
豔迷人意金張許史應難比貪戀歡娛不覺金烏墜
還惜會難別易金船更勸勒住花驄戀

秋夜月

三秋佳節罩晴空凝碎露茱萸干結菊蕊和煙輕撚
酒浮金屑微雲雨調絲竹此時難輟歡極一片豔歌
敲揭 黃昏慵別炷沉煙熏綉被翠帷同歇醉竝鴛

鴛雙枕暖偎春雪語叮寧情委曲論心正切夜深窗
透數條斜月

清平樂

偎紅斂翠盡日思閑事髻滑鳳皇釵欲墜雨打梨花
滿地 繡衣獨倚闌干玉容似怯春寒應待少年公
子鴛幃深處同歡

芳年妙伎淡拂鉛華翠輕笑自然生百媚爭那尊前
人意 酒傾琥珀盃時更堪能唱新詞賺得王孫狂
處斷腸一搦腰肢

李珣 十八首

中興樂

後庭寂寂日初長翩翩蝶舞紅芳綉簾坐地金鴨無
香誰知春思如狂憶蕭郎等閑一去程遙信斷五顏
三湘 休開鸞鏡學宮粧可能更理笙簧倚屏凝睇
淚落成行手尋裙帶鴛鴦暗思量忍孤前約教人花
貌虛老風光

漁父 三首

水接衡門十里餘信船歸去臥看書輕爵祿慕玄虛

莫道漁人只爲魚

避世坐綸不記年官高爭得似君閑傾白酒對青山
笑指柴門待月還

棹警鷗飛水濺袍影隨潭面柳坐縞終日醉絕塵勞
曾見錢塘八月濤

南鄉子

攜籠去采菱歸碧波風起雨霏霏
趁岸小船齊棹急
羅衣濕出向桃柳對下立

雲髻重葛衣輕見人微笑亦多情
拾翠採珠能幾許

來還去爭及村居織機女

登畫舸泛清波採蓮時唱採蓮歌
欄棹敲齊羅袖斂
池光颭驚起沙鷗八九點

雙髻墜小眉彎笑隨女伴下春山
玉纖遙指花深處
爭回顧孔雀雙雙迎日舞

紅苧蔻紫玫瑰謝娘家接越王臺
一曲鄉歌齊撫掌
堪遊賞酒酌螺杯流水上

山果熟水花香家家風景有池塘
木蘭舟上珠簾捲
歌聲遠椰子酒傾鸚鵡盞

新月上遠煙開慣隨潮水採珠來棹穿花過歸溪口
沽春酒小艇纜牽坐岸柳

定風流

志在煙霞慕隱淪功成歸看五湖春一葉舟中吟復
醉雲水此時方認自由身花島爲隣鷗作侶深處
經年不見市朝人已得希夷微妙旨潛喜荷衣蕙帶
絕纖塵

十載逍遙物外居白雲流水似相於乘興有時攜短
棹江島誰知求道不求魚到處等閑邀鶴伴春岸

野花香氣撲琴書更飲一杯紅霞酒回首半鈎新月
貼清虛

又見辭巢歸子燕阮郎何事絕音徽簾外西風黃葉
落池閣隱莎蛩叫雨霏霏愁坐算程千萬里頻歧
等閒經歲兩心違聽鵲憑龜無定處不知淚痕流在
畫羅衣

雁過秋空夜未央隔窗煙月鎖蓮塘往事豈堪容易
想惆悵故人迢遞在瀟湘縱有回文重叠意誰寄
解鬟臨鏡泣殘粧沉水香消金鴨冷愁永候蟲敲接

杵敲長

簾外煙和月滿庭此時閒坐若爲情小閣擁爐殘酒
醒愁聽寒風葉落一敲敲 唯恨玉人芳信阻雲雨
擘帷寂寞夢難成斗轉更闌心杳杳將曉銀缸斜照
綺琴橫

西溪子

馬上見時如夢認得臉波相送柳堤長無限意夕陽
裏醉把金鞭欲墜歸去想嬌嬈暗覓銷
金縷翠鈿浮動粧罷倚窗圓夢日高時春已老人未

到滿地落花慵掃離思正難緘燕喃喃

李王

八首

望江南

多少恨昨夜夢魂中還似舊時遊上苑車如流水馬
如龍花月正春風
多少淚斷臉復橫願心事莫將和淚說鳳笙休向淚
時吹腸斷更無疑

更漏子

大石調金荃集作温飛卿

柳絲長春雨細花外漏敲迢迢驚寒雁起寒烏畫屏

金鷓鴣 香霧薄透重幙惆悵謝家池閣紅燭背繡
帷坐夢長君不知

蝶戀花

遙夜亭皋閑信步乍過清明蚤覺傷春暮數點雨敲
風約住朦朧淡月雲來去 桃杏依依風暗度誰在
秋千影裏低低語一片芳心千萬緒人間沒箇安排
處

清平樂

別來春半觸目愁腸斷砌半落梅如雪亂拂了一身

還滿 雁來音信無憑路遙歸夢難成離恨怯如春
艸更行更遠還生

採桑子

羽詞

亭前春逐紅英盡舞態徘徊細雨霏霏不放雙眉時
暫開 綠窗冷靜芳音斷香印成灰可奈情懷欲睡
朦朧入夢來

喜遷鶯

曉月墜宿煙微無語枕頻欹夢回芳艸依依天遠雁
聲稀 啼鶯散餘花亂寂寞畫堂深院片紅休掃儘

尊前集下
三
從伊畱待舞人歸

山花子 一作浣溪沙

菡萏香銷翠葉殘西風愁起綠波間
還與韶光共憔悴不堪看
細雨夢回鷄塞遠小樓吹徹玉笙寒
多少淚珠何限恨倚闌干

子夜啼

一本別見或作菩薩蠻

花明月暗籠輕霧今宵好向郎邊去
剗襪步香苔手提金縷鞋
畫堂南畔見一向隄人顫好爲出來難
教君恣意憐

馮延巳七首

羅敷豔歌

一名採桑子

小庭雨過春將盡片片花飛獨折殘枝
不語凭欄只自知
玉堂春暖珠簾捲雙燕來歸舊約難期
肯信韶華得幾時

馬嘶人語春風岸芳艸綿綿楊柳橋邊
落日高樓酒旆懸
舊愁新恨知多少目斷遙天獨立花前
更聽笙歌滿畫船

更漏子

商調

夜初長人近別夢覺一窗殘月鸚鵡臥蟋蟀鳴西風
寒未成紅鵲燭彈碁局床上畫屏山綠寨繡幌倚
瑤琴前懽淚滴襟
王鑪煙紅燭淚偏對畫堂秋息眉翠薄髻雲殘夜長
衾枕寒梧桐對三更雨不道離情最苦一葉葉一
敲敲空堦滴到明

臨江仙

冷紅飄起桃花片青春意緒闌珊高樓簾幙卷輕寒
酒餘人散獨自倚闌杆夕陽千里連芳艸風光愁

殺王孫徘徊飛盡碧天雲鳳城何處明月照黃昏

虞美人

畫簾新霽情蕭索深夜坐珠箔洞房人睡月嬋娟梧
桐雙影上珠軒立堦前高樓何處連宵宴塞管聲
幽怨一敲已斷別離心舊懽拋棄杳難尋恨沉沉
碧波朱戶坐簾暮簾下鶯鶯語薄羅衣舊泣青春野
花芳艸逐年新事難論鳳笙何處高樓月幽怨憑
誰說亭亭殘照上梧桐一時彈淚與東風恨重重

庾傳素一首

木蘭花

木蘭紅豔多情態不似凡花人不愛移來孔雀檻邊
栽折向鳳皇釵上戴 是何芍藥爭風彩自共牡丹
長作對若教爲女嫁東風除却黃鶯難匹配

劉侍讀

一首

生查子

雙調

深秋更漏長滴盡銀臺燭獨步出幽閨月晃波澄綠
菱荷風乍觸一對鴛鴦宿虛棹玉釵驚驚起還相
續

歐陽彬左丞

一首

生查子

竟日畫堂懽入夜重開宴剪燭螭煙香促席花光顫
待得月華來滿院如鋪練門外簇驂驪直待更深
散

許岷

二首

木蘭花

大石調

小庭日晚花零落倚戶無聊粧臉薄寶箏金鴨任生
塵綉畫工夫全放却 有時覩著同心結萬恨千愁

無處說當初不合儘饒伊嬴得如今長恨別
江南日煖芭蕉展美人折得親裁剪書成小簡寄情
人臨行更把輕輕撚 其中撚破相思字却恐郎疑
蹤不似若還猜妾倩人書誤了平生多少事

林楚翹 一首

菩薩蠻

中呂調

畫堂春書坐珠箔臥來揉惹金釵落簟滑枕頭移鬢
蟬狂欲飛 笑拖嬌眼慢羅袖籠花面重道好郎君
人前莫惱人

薛昭蘊

一首

謁金門

春滿院疊損羅衣金線睡覺水晶簾未捲簾前雙語
燕 斜捲金鋪一扇滿地落花千片早是相思腸欲
斷忍教頻夢見

徐昌圖

三首

木蘭花

雙調

沉檀煙起盤紅霧一箭霜風吹綉戶漢宮花面學梅
粧謝女雪詩裁柳絮 長坐夾幕孤鸞舞旋炙銀笙

雙鳳語紅窗酒病嚼寒冰冰損相思無夢處

臨江仙

飲散離亭西去浮生常恨飄蓬回頭煙柳漸重重淡
雲孤雁遠寒日暮天紅今夜畫船何處潮平淮月
朦朧酒醒人靜奈愁濃殘燈孤枕夢輕浪五更風

河傳

秋光滿目風清露白蓮紅水綠何處夢回弄珠拾翠
盈盈倚欄撓眉黛蹙採蓮調穩吳侶轂相續倚棹
吳江曲鷺起莫天幾雙交頸鴛鴦入蘆花深處宿

雜熙間彙集唐末五代諸家詞命名家宴爲其
可召侑觴也又有名尊肯集者殆亦類此惜其
本皆不傳嘉禾顧梧芳氏采錄名篇釐爲二卷
仍其舊名雖不堪與花間艸堂頡頏亦能一洗
綺羅香澤之態矣此本予得之閩中郭聖僕聖
僕酷好予家諸刻必欲一字不遺而後快癸酉
中瓠後一日予訪出南都南關外磨門無人惟
檐背白鸚鵡學人語呼客到已耳老屋二間不
蔽風日几榻間彝鼎盤缶皆三代間物其最珍

玩者一折角漢研因顏其壘曰漢研出異香佳
茗作供劇談竟日臨別贈予二書茲編及翦綃
集也又贈予二画一淡墨水仙一秋林高岫蓋
其愛姬李陀奴朱玉耶筆也惜其無嗣今墓櫬
已森二姬各肴所婦二書予安忍秘諸虞山毛
晉識

尊前集卷下

終

晉書

